



UNIVERSITÄTS-
BIBLIOTHEK
PADERBORN

Universitätsbibliothek Paderborn

Conciliorm Omnium Generalium Et Provincialium Collectio Regia

Ab anno MCLXXXI. ad annum MCCCXIV.

Parisiis, 1644

Concilium Londinense De Electione Iudaeorum Habitum anno Christi
MCCXCI. tempore Nicolai papae IV.

urn:nbn:de:hbz:466:1-15974

ANNO CHRISTI 1191.
* CONCILIVM SALTZBURGENSE
DE HOSPITALARIORVM, TEMPLARIORVM
& Teutonicorum ordinibus coniungendis, celebra-
tum anno Domini MCCXCI. tempore Nicolai papæ
quarti.

NOTA.

* *Concilium.*] Qua occasione hæc Synodus indicta, quidque in ea gestum fuerit Eberhardus huius temporis scriptor in suis annalibus apud Henrici Canisii primum tomum editarum antiquitatum extantibus ita describit: Anno millesimo ducentesimo nonagesimo primo, ciuitas Akaron, quam solum habebant Christiani in terra sancta, obsessa est per Soldanem Babylonensem, & per quadraginta dies & noctes sine intermissione impugnata, capta est, & ibidem multa Christianorum milia & capta sunt & occisa: aliqui autem per nauigium fugerunt: & quia multorum erat opinio, quod si fratres Domorum ibidem scilicet Hospitalarii, Templarii & Teutonici, & reliquis populus omnino concordasset, ciuitas capta non fuisset, mandauit papa Nicolaus omnibus patriarchis, archiepiscopis, episcopis, & aliis prelati, vt Concilia prouincialia celebrarent, & deliberarent qua ope vel consilio eidem terre possit subueniri. Et per Concilium habitum Salzburgæ rescriptum fuit domino papæ & consilium, vt predicti tres ordines conuenerent ad unum ordinem, melioribus eorum obseruantis in unum redactis; & quod ad succursum eiusdem terre sanctæ rex Romanorum cum principibus vocaretur. Qui nuntii antequam venissent ad curiam, papa mortuus est; & sic hoc negotium remansit infectum. Hæc Eberhardus.

* CONCILIVM LONDINENSE
DE IECTIONE IVDÆORVM HABITVM
anno Christi MCCXCI. tempore Nicolai papæ IV.

NOTA.

* *Concilium.*] De rebus in hac Synodo gestis ita Bzouius: Bernhar-
do episcopo Grossetano sedis apostolicæ legato in Anglia nondum presen-
te, Londini ad Westmonasterium celebratum est Concilium. In hoc in
primis agitatum est de iectione Iudæorum, quorum erat per omnem
Angliam ingens multitudo, quo sic oues ab hædis segregarentur. Itaque
publico iussu est edito, vt infra paucos dies omnes abirent cum bonis.
Illi iussis Concilii parentes, alii alio discesserunt. Ita profuga gens de
Anglia in perpetuum exiuit, misera semper alicubi terrarum peritu-

ra usque eo dum denique deleatur. Eodem in Concilio Eduardus exposuit se cupere ire auxilio Christianis in Asiam: & quia res ad religionem pertinebat, voluit ut sacerdotes pecuniam suppeditarent. Postremo placuit regi similiter atque principibus illud iniurium iure iterato statuere, ne cui hominum liceret dare pradia collegiis monachorum: neve liceret monachis, aut aliis sacerdotibus, emere possessiones. Superuenit tandem legatus, & una cum Ioanne Beccano archiepiscopo Cantuariensi sibi adiuncto, regem iniquitatis atque impietatis redarguit, legemque abrogare, & ecclesiis, ecclesiasticisque rebus ac personis libertatem restituere coegit.

CONCILIVM MEDIOLANENSE
PRO AVXILIO TERRÆ SANCTÆ FERENDO
congregatum anno Domini MCCXCI.
tempore Nicolai papæ IV.

NOTA.

* Concilium.] Acta huius Concilii ex Bernardo Corio Bzouitis in annalibus describit summatim his verbis: *Ad diem vigesimumseptimum mensis Nouembris huius anni Otto archiepiscopus Mediolani in ecclesia sanctæ Teclæ, Synodo prouinciali episcoporum & uniuersi cleri congregata, multa ad ecclesiasticam disciplinam reuocandam constituit, ac fratre Stephanardo ordinis Prædicatorum verba ad omnes faciente, plurimos Christi fidelium, ad auxilia terræ sanctæ a Saracenis oppressæ, auctoritate summi pontificis Cruce signauit. Dedit insuper istud salubre summo pontifici consilium, ut milites Hierosolymitani una cum Templariis & Teutonicis in vnum ordinem congregarentur, iisdem institutis viuere: & unitis armis contra barbaros dimicarent: Præsente copiis Crucesignatorum rege Galliarum. Bernardus Corius historix Mediolanensis p. 2.*

SEDES VACANS.